

GIZON GALGIROTTIA¹



Gizonak emanikan.
 arras jokubari,
 eta beste bear ez
 ziran kontubari,
 lenaz zana zorion
 aundiaren jabe,
 galduta gelditu zan
 ezer ere gabe;
 eta aurrera zala
 lotsatzen erriyan,
 lenaz ala oituba,
 miseri gorriyan,
 egin batez mendira
 joan zan itzul andik,
 lotsaz gorde naiean
 mundubaren gandik;
 eta baso mortoan
 zijoala penaz,
 begietatik malko
 lodiyak emanaz,
 arbol zillarrezko bat
 billatu zuben an,
 ostoz ornituba ta
 zegoana loretan;
 eta egonik gauza

on ari begira,
 begirik bestetara
 ezin zula jira,
 esan zuben,—arbola
 bota ta segiran,
 eramanik errira
 milloyak dauzkat an:
 bañan ez, esan zuben,
 eztet bear bota
 frutuba eman arte,
 loretan dago ta;
 eta itsatsirikan
 lore eder denak,
 urrezko gingak ziran
 eman zitubenak.
 Orduban arbolari
 laja bota gabe,
 eta egiñik ginga
 eder aien jabe,
 pozez bere aiekin
 jechi zan errira,
 bañan zori gaiztoan
 baitzan aruntz jira;
 lengo bizi-erari
 emanik segiran,

(1) Vicioso.

gingaren balioa
 sarri baitzuben jan.
 Inork etzeion egiñ
 burla eta farra,
 berriro izan zuben
 mendira bearra;
 eta joanera artan
 ere arbola an,
 biliatu zuben, bañan
 nola neguba zan,
 arkitu zuben soilla
 lorerikan gabe;
 eta udan zeikena
 egin gingen jabe,
 ez ichogotiarren
 berriz udarari,
 aizkorazoak zizkan
 eman arbolari;
 eta ala botarik
 bere arbol ona,

berriro aberastu
 zan oso gizona:
 bañan lengo lepotik
 izanik buruba,
 ezkutatu zitzaion
 arbol eder ura;
 eta ala zeikena
 urtero dirutu,
 gelditu zan ez diru,
 ez arbol, ez frutu.

.

Onek erakusten du
 galgiroak artzen
 ditubena beitala
 modu artan jartzen;
 naigoko ditula ark
 urtean amabi
 bañan, beretzat izan
 egun berean bi.

ASTOA, CHERRIYA ETA BEREN JABEA

Gizonak astoa ta
 cherriya salzitzan,
 goiz batez feriyara
 biyakin asi zan;
 eta maiz cherriyari
 boteaz alea,
 zeramala geldika
 tripazai jalea,
 akabaturik bidez-

erdiyan zer janak,
 zestochoan zituben
 arto ale danak,
 cherriya joan nai ezik
 zitzaion gelditu,
 etzubela nai ankik
 aurrera mugitu;
 esanaz,—ezpazion
 ematen artorik,